



Sabtu, 19 Oktober 2024
Ogen: Matius 27:55-56



Ikut Nampati Jesus



Salome, salah sada diberu si ikut ngarak-ngarak perdalanan Tuhan Yesus i Galilea nari seh ku proses penyaliben Yesus i uruk Golgota. Salome e nande Jakobus ras Johanes, ndehara Sebedeus. Gelarna sideban e me Maria. Rikutken penuriken Pustaka Si Badia maka Salome e ikut muat bagin nampati Yesus ras ajar-ajarNa i bas perdalannya nuriken Berita Si Meriah. Salome ikut ras diberu-diberu sideban makeken kebanyakenna ngelitken keperluan Yesus ras ajar-ajarNa subuk arah nakan pangan ras nikapkensa. Labo terjeng duitna iberekenna tapi pe ngaturken keperluan Yesus.

Si ibahan diberu-diberu e situhuna erkiteken enggo igejapkenna penampat Tuhan Yesus mulahi ia i bas sakit pinakit ras perbeben si mberat. Yesus e mereken kesehatan ras kemenangan man bana arah iketen kuasa si jahat. La akapna lit nari dalam puluh tapi Yesus mulahi ia. Salome ras teman-temanna la erlatih-latih ngikutken Yesus e ras ndalanken persuruhanNa. Erta si lit i bas ia, ibagikenna guna ncukupken keperluan pelayanen Yesus. Kesetian diberu-diberu e pe teridah tupung Yesus itangkap ras ibaba ku uruk Golgota guna ipakuken. Lalap iikut-ikutna Yesus e, isaksikenna kerina kai si ialami Yesus.

Perbahanen Salome ras teman-temanna e banci jadi usihen man banta i bas ndalani kegeluhen ras pelayanenta. Adi si kira pasu-pasu Tuhan si enggo sialoken tiap wari, kai dage si enggo si bahan nampati pelayanen Gereja Tuhan? Adi enggo lit mari si tambahi, adi lenga lit, mari sibenaken. Labo enda ersemulih, tapi respon pengataken bujur. Janah tuduhken kesetianta ngikutken Yesus asa umur geluhta.